

## Андалус фатҳи (◦ ◦)

**Абу Абдуллоҳ Шоший**

“Андалус фатҳи” номли

силсиланинг ушбу бўлими қуидаги

мавзуларни ўз ичига олади: -

Ишбилия, Эсиха ва бошқа шаҳарлар

фатҳи; - Мусо ибн Нусайрнинг

юришлари; - Абдулазиз ибн

Мусонинг юришлари;

<https://islamhouse.com/488187>

- Андалус фатҳи қисм ◦

- Ишбилия[۱], Эсиха ва бошқа шаҳарлар фатҳи
- Мусо ибн Нусайр Андалусда
- Мусо ибн Нусайрнинг юришлари
- Абдулазиз ибн Мусонинг юришлари
- Икки қаҳрамон — Мусо ва Ториқнинг учрашуви

## Андалус фатҳи қисм ០

### Ишбилия[۱], Эсиха ва бошқа шаҳарлар фатҳи

Ўтган сұхбатимизда Ислом тарихининг энг чароғон кунлари, энг баҳтиёр онлари бўлган тарих сахифалари узра сайр қилган

бўлдик. Ториқ ибн Зиёд Андалус насронийлари устидан бемисл, беназр ғалаба қозонди. Бу жангда мусулмон аскар уч минг шаҳид берган бўлсада, бу Ториқ ибн Зиёднинг ҳам, мусулмон аскарнинг ҳам шаштини пасайтирган эди. Бильякс мусулмон аскар фурсатни қочирмай, шаҳар ортидан шаҳарларни бирин-кетин фатх қилиш-да давом этди. Улар Ишбилия шаҳрига йўнал-дилар, бу шаҳар Андалуснинг жанубида жойлашган шаҳарларнинг энг каттаси эди. **Бу ўринда Пайғамбаримиз соллаллоҳу алайҳи ва салламнинг:** «Бир ойлик масофадан (душманла-

рим қалбига тушажак) қўркув билан нусрат-ландим»<sup>[۲]</sup>, деб хабар берган ҳадисларининг натижаси кўрилди. Ишбилия халқи жангу-жадалсиз шаҳар дарвозаларини очиб бериб, жизя тўлашни зиммаларига олишди.

Шундан сўнг, Ториқ ибн Зиёд Эсиха шаҳрига қараб йўл олди. Бу миңтақа ҳам Андалуснинг жанубида жойлашган шаҳарлардан биридир. Эсиха халқи ҳимояланиш йўлини танлаб, уруш учун қўшин ҳозирлай бошлади<sup>[۳]</sup>. Мусулмонлар Эсиха сари юришлари давомида олдиларидан чиққан бир қатор шаҳарларни фатҳ қилдилар. Жумладан, Сидония<sup>[۴]</sup> шаҳри бир

муддат қамалдан сўнг фатҳ қилинди, сўнгра Морон<sup>[০]</sup> ва Кармона шаҳри ишғол қилинди<sup>[১]</sup>. Сўнгра мусулмонлар Эсихада насронийлар қуввати билан тўқнашди. Улар ўртасида ашаддий жанг содир бўлди. Бу уруш гарчи Барбате водийсида юз берган жангга нисбатан кичикроқ бўлсада, анча ашаддий тус олган ва уруш авжига чиққан эди. Тарихшунослар хабар беришича, мусулмонлар бу жанг маъракасидан кейин унинг каби қаршиликка учрамадилар<sup>[২]</sup>. Урушда насронийлар енгила бошлади ва уруш ниҳоясига етар-етмас мусулмонлардан омонлик

сўраб, сулҳ тузиш ва жизя тўлашни маъқул топишиди [ʌ].

Мусулмонларга қарши туриб, уруш йўли-ни танлаган халқнинг оқибати билан, шаҳарни сулҳ ва жизя бериш эвазига таслим қилганинг оқибати айрича бўлади. Мусулмонлар маълум бир жойни урушиб фатҳ қилсалар, ўша шаҳар ёки мамлакатдаги нарсаларга эга бўлиш билан ҳукуматни ҳам кўлга оладилар. Бордию, шаҳар ёки мамлакат сулҳ тузиб, жизя бериш йўлинни ихтиёр қилса, мусулмонлар фақат жизянигина олиб, мамлакат ва ҳукуматни шаҳар аҳлига топшириб кетадилар.

Ториқ ибн Зиёд Эсиха шахрининг ишини ҳал қилиб бўлгандан сўнг, асосий аскарни олиб ўша пайтларда Андалуснинг пойтахти бўлган Толедо шахрига йўналди. Ториқ айни замонда жанубий минтақадаги бир нечта шаҳарларга сарийялар сафарбар қилди<sup>[۹]</sup>. Жумладан, Куртуба<sup>[۱۰]</sup> шахрига Муғис Румий бошчилигига етти юз суворийдан иборат сарийя жўнатилди<sup>[۱۱]</sup>. Муғис бошлиқ сарийя оз бўлишига қарамай, Куртубадек қувватли шахрини ортиқча машақ-қатсиз фатҳ қилишга мұяссар бўлди<sup>[۱۲]</sup>. Куртуба шахри

۷۱۱ йил август (хижрий ۹۲ йил шаввол) ойида фатҳ қилинди [۱۳].

Шунингдек, Ториқ ибн Зиёд Малага шаҳрига бошқа, Эльвирияга яна бошқа бир сарийя жўнатди. Мусулмон сарийя Гранада шах-рини қуршаб олиб, охир оқибат фатҳ қилди [۱۴]. Мурсия шаҳри ҳам фатҳ қилинди, Ориуэла шаҳри эса, сулҳ йўлини тутди [۱۵]. Малага минтақа-сига юборилган сарийя уни фатҳ қилиб, Эльвирияга йўлланган гуруҳ билан бирлашиб, Ориуэла минтақасидаги Тудмир шаҳрига йўналди. Яъни бундан маълум бўладики, Ториқ ибн Зиёд жанубий

шашарларга уч гурух сарийя  
жўнатган эди [۱۶].

Ториқ ибн Зиёд пойтахт Толедога  
қараб кетиш асносида зўр қўрғонли  
Жайян [۱۷] шаҳрини фатҳ қилди [۱۸].

Мусо ибн Нусайр Ториқ ибн Зиёдга  
Жайян ва Куртуба шашарларидан  
ўтмасликни ва пойтахт Толедони  
фатҳ қилишга шошилмас-лигини  
тайинлаган эди. Сабаби, Мусо ибн  
Нусайр адади тўққиз мингдан кўп  
бўлмаган мусулмон аскарнинг  
насронийлар қуршовида қолиб  
кетишидан ҳадиксираган эди [۱۹].

Толедо шаҳри ўша пайтлар  
Готларнинг пойтахти бўлиб, Иберия

яриморолининг мар-казида жойлашган шаҳар эди. У ҳозирги кундаги Испаниянинг пойтахти Мадриддан ۹۱ км жануби-ғарбда жойлашган бўлиб, бир сўз билан айтганда насронийларнинг шаҳарлари орасида энг мустаҳкам қўрғонлиси эди. Бу шаҳар шимол, шарқ ва ғарбдан тоғлар билан ўралган бўлиб, бир жануб томонигина очиқ, бироқ шаҳарга кириш қисми бўлган бу тарафда улкан қўрғон бор эди. Торик ибн Зиёд Мусо ибн Нусайрнинг амрига хилоф ўлароқ ўз райига эргашиб, Толедони фатҳ қилишга бел боғлади. У Толедо сафарини

тўсувчи бирор ғовни ёки муаммони кўрмади ва насронийларнинг заифлик давридан фойдаланмаса, бундай зўр «тиш-тирноғигача» зирҳланган шаҳарни фатҳ қилиш ўта машаққатли эканини тушуниб етган Торик ибн Зиёд, Толедо сари ҳужумга ўтди. Тўғри бу ўринда Торик ўз амири Мусога итоат қилмай хато қилди. У кўриб, билиб тургани учун вазиятни Мусодан кўра тўғри баҳолаган бўлсада, бу ҳакда амири Мусо билан маслаҳат қилиши лозим эди. Лекин, баҳтга қарши ундей бўлмади, Торик ўз фикри билан Толедога юришни маъқул кўрди. Бу хабар Мусо ибн

Нусайрга етиб келди, бироқ у масофанинг узоқлиги сабаб Ториқни дастаклай олмасди. Ториқ Толедога етиб келган-да Оллоҳнинг марҳамати илоҳийси унга кулиб бокди, мустаҳкам қўрғонли Толедо халқи шаҳар дарвозаларини ланг очиб бериб, жизя беришни зиммаларига олишди. Ториқ ибн Зиёд жангу-жадалсиз шаҳарга кирди<sup>[۲]</sup>.

Сўнгра Ториқ ибн Зиёд шимолга юришда давом эттирди. У қочиб қолган насронийлар ортидан Кастилия, Леон минтақаларидан ўтиб, шимоли-ғарбий ҳудудда жойлашган Галисия тоғларига қадар

етиб борди. Астурия тоғларини ошиб ўтиб, Бискай кўрфазигача этиб борди, бу минтақа Торик фатҳ қилган ерларнинг сўнгиси бўлган эди<sup>[۲۱]</sup>. Сўнгра Торик Толедога қайтди<sup>[۲۲]</sup>.

Торик ибн Зиёднинг ҳамласи ۷۱۱ йил ۲ май (ҳижрий ۹۲ йил ۰ ражаб) ойидан бошлаб, ۷۱۳ (۹۴ ҳижрий) йилда Мусо ибн Нусайр билан учрашгунича давом этди. Келинг бу даврни хотирлаб олайлик:

Торик дастлаб Мағрибдаги Сеута портидан йўлга чиқиб, Жабал Торик бўғозидан ўтиб, Жабал Торик тоғига келиб тушди ва Жазиратул Хазрода

Тудмирнинг қўшини устидан,  
Барбате водийсида Родерикнинг  
лашкари устидан (ҳижрий ۹۲ йил  
рамазон-шаввол ойиларида) ғолиб  
бўлди. Сидония, Морон, Кармонани  
фатҳ қилиб, Ишбилияда сулҳ тузди  
ва Эсихада готлар устидан ғалаба  
қозонгандан сўнг, [шу ердан](#):  
Куртуба, Гранада, Малага,  
Эльвирия, Ориуэла минтақасига  
сарийя-лар йўллади. Сўнгра Торик  
ибн Зиёд Жайян, Толедо, Кастилия,  
Леон, Галисия, Астурия  
минтақаларини фатҳ қилиб, ۹۳/۷۱۱  
сананинг охирларида яна Толедога  
қайтди[۲۲].

Ториқнинг Мусо ибн Нусайр билан кўришгунича бўлган фатҳлари бир йил ичида, ҳатто бир йил ҳам эмас, бир неча ойларда содир бўлганди. Унинг Толедо шаҳрини зулқаъда ойида фатҳ қилганилигини эътиборга олсак, қолган минтақаларга кетган муддатни билиб олсак бўлади[۲۴].

Шу аснода Ториққа Мусонинг хабари келди. Унда Мусо ибн Нусайр Толедо шаҳрига етиб келгунига қадар, ҳарбий юришни тўхтатиб, кутиб туриши уқтирилган эди. Мусо ибн Нусайр Ториққа ҳасад қилгани ва Андалус фатҳини Ториққагина нисбатланиб қолишидан қўрққани учун Ториқни

тўхтатмаган эди<sup>[۲۰]</sup>. Балки у Ториқнинг ёнига тезроқ ёрдамга бориш керак, деб билди. Чунки Ториқ қисқа замон ичида бегона юртда катта ҳудудларни ишғол қилган ва анчагина ичкарига кириб борган эди, лекин орқада қолган минтақалар бехавотир ҳамда барқарор эмасди. Насронийлар мусулмонлар-нинг озлигидан ва мадад келмаётганидан фойдаланиб, уларни ўртага олиб қириб ташлашлари эҳтимоли йўқ эмасди<sup>[۲۱]</sup>. Моҳир саркарда, тажрибали қўмондон Мусо бу каби ҳолатни Шимолий Африка ерларини фатҳ қилиш жараёнида кўрган ва

тажриба ҳосил қилған әди. У Ториқнинг янги жойларни фатҳ қила олмаслигидан әмас, орқада қолган минта-қалардан кўнгли хотиржам бўлмаганидан уни ҳамладан тўхташига буйруқ берган әди. Шунингдек, Ториқнинг иймонига Мусо ибн Нусайр сабаб бўлган әди. Бошқа жиҳатдан қараганда Ториқ ибн Зиёд Мусонинг хизматида әди, шундай экан Ториқнинг хайрли ишларида Мусо ибн Нусайр тенг шерик (Ториқ не қадар савобга эга бўлса, Мусо ҳам ўшанчалик ажр олар) әди<sup>[۷۷]</sup>.

Ториқ ибн Зиёд билан Мусо ибн Нусайр ўртасидаги воқеаларни

тариҳшунос ал-Хажжий қўйидагича хабар беради: Ториқ ибн Зиёд ҳар бир ишни бошлиғи Мусодан сўраб, бамаслаҳат қилиб, унинг кўрсатмасига биноан амалга оширас эди. Ториқнинг Барбате водийсидаги жангдан олдин Мусодан мадад сўраганини ёдингизга олинг. Ториқ фатҳ қилган жойлари ва юриш қилмоқчи бўлган минтақалари ҳақидаги маълумотларни Мусога хабар бериб турганини тариҳшунос Ибн Кардабус шундай баён қиласди: «Мусога Ториқнинг мактуби етиб келди, Мусо (ӯша пайтдаги халифа)

Валидга у ҳақда мактуб  
йўллади»[\[۲۸\]](#).

Андалус ўлкасига борганидан чамаси бир йилдан сўнг, Ториқнинг аскарлари фатҳ қилган шаҳар ва қишлоқларга тарқалиб кетди, бир қисми эса шаҳид бўлди. Шунда Ториқ аскари-нинг озлигидан фойдаланиб насронийлар ҳамла қилишидан ва мағлуб бўлишидан чўчиб, Мусодан ёрдам сўраб мактуб йўллади[\[۲۹\]](#). Бу хабарни олган Мусо ибн Нусайр Ториқни огоҳлантириб, фатҳ қилишда шошилмасликни таъкидлаб, Толедо шаҳридан ёки ундан кейин тўхтаб, кутиб туришни амр қилди[\[۳۰\]](#).

## Мусо ибн Нусайр Андалусда

Мусо сафар тайёргарлигини бошлаб юборди. Андалус ўлкасида Оллоҳ йўлида жанг бўлишини эшитган мусулмонлар машриқу-мағрибдан етиб келишни бошлади, Мусо ибн Нусайр ۱۸ минг қўшин тўплади[۳۱].

Ториқнинг аскари асосан барбарлардан иборат бўлган бўлса, бу ۱۸ минг аскар Яман, Ҳижоз, Шом, Ироқ ва бошқа жойлардан келган араблардан ташкил топган эди.

Мусо катта ўғли Абдуллоҳни Шимолий Африкага ([пойтахт Қайравонга](#)) волий этиб тайинлаб,

ўзи ۱۸ минг аскар билан ۷۱۲ йил  
апрел (ҳижрий ۹۳ йил ражаб) ойида  
Африкадан Андалус сари йўлга  
чиқди<sup>[۳۲]</sup>. У Жабал Ториқ бўғозини  
шу йилнинг рамазон ойида кесиб  
ўтди<sup>[۳۳]</sup>. Аммо унинг Жабал Ториқ  
бўғозининг қайси қисмидан  
ўтганлиги борасида тарихчилар  
орасида ихтилоф бор. Улардан  
кўпчилиги Сеутадан, яъни унинг  
яқинидаги «Жабал Мусо» деб  
аталган жойдан Жабал Ториқ томон  
кесиб ўтган, дейдилар<sup>[۳۴]</sup>. Бу  
мантиқан тўғри, чунки бу жой  
бўғознинг энг тор қисмидир. Яна  
баъзилар Танжердан Жазиратул

Хазрога томон кесиб ўтган,  
дейдилар [[۳۰](#)].

Мусо ибн Нусайр аскарларни  
денгиздан олиб ўтишда  
фойдаланган кемаларнинг барчаси  
мусулмонларники бўлган, бу эса  
юқорида зикри ўтган Ториқнинг  
кемалари мусулмонларга тегишли  
бўлган ва бир қисминигина ижарага  
олган, деган фикримизга яна бир  
далилдир.

Мусонинг қўшини сафида араблар  
ҳам, барбарлар ҳам, шунингдек,  
Мунайзир Ифриқий исмли бир  
саҳобий [[۳۶](#)] ва бир қанча  
тобеъинлар ҳам бор эди [[۳۷](#)]. Мусо

ибн Нусайр катта ўғли Абдуллоҳни Африкага волий қилиб қолдирган ва икки ўғли Абдулазиз ва Абдулаълони ўзи билан олган әди<sup>[۳۸]</sup>. У Андалус ўлкасига ўтиб, кемаларни муносиб ерга жойлаштируди, бу жой шундан эътиборан «Марса Мусо» номи билан аталиб қолди<sup>[۳۹]</sup>.

## Мусо ибн Нусайрнинг юришлари

Мусо Жазиратул Хазрога келиб, ҳарбий режани чизмасдан ва масжид бино қилмасдан бурун юришни бошламади<sup>[۴۰]</sup>. Бу масжид денгиз соҳилига яқин ерда

жойлашган бўлиб, масжидул-ройаат номи билан аталди<sup>[41]</sup>. Мусонинг йигирмадан ортиқ байроғи бўлгани зикр қилинади<sup>[42]</sup>. Андалусга етиб келган Мусо, юз беришини тахмин қилган ҳодисага гувоҳ бўлди. Жангу-жадалсиз сулҳ йўлини танлаб, жизя беришга рози бўлган Ишбилия шаҳри Ториқ ибн Зиёд Толедога йўл олиши билан аҳдларини бузиб, Ториқнинг ортидан зарба бериш учун тайёргарликни бошлаб юборган эди. Мусо Ишбилияга йўл олди. У йўл асносида Сидонияни янгидан фатҳ қилди ва бу Мусо ибн Нусайрнинг Андалус ўлкасидаги дастлабки фатҳ

қилган шаҳри эди [43]. Сўнгра мусулмон аскар Кармона шаҳрига йўл олди, бунинг сингари мустаҳкам қўрғонли ва қамал ёки уруш қилиш нокулай бўлган шаҳар йўқ эди. Мусо зўр ҳийла ишлатди, насроний Жулианинг одамларини гўё талофат кўрган лашкарнинг қолган қисми қиёфасида шаҳарга киргизди. Кечаси улар шаҳар давоза-сини Мусо ибн Нусайрга очиб бердилар. Мусо аскари билан шаҳарга кириб, уни фатҳ қилди [44].

Сўнгра Мусо Ишбилияга етиб келиб, уни қуршаб олди. Бу шаҳар Андалусдаги энг катта шаҳарлар жумласидан бўлиб, муҳташам бино-

лари, қадрият ва ёдгорликлари билан машхур эди. Готлар замонида подшоҳнинг қасри шу шаҳарда жойлашган бўлиб, Барбате водийсидаги мағлубиятларидан сўнг, подшоҳ аъёнлари Толедо шаҳрига кўчган эди. Лекин дин арбоб-лари ҳануз Ишбилиядада эдилар. Улар қаттиқ қаршилик қилдилар, қамал ҳам бир неча ой давом этди. Сўнгра Оллоҳ таоло бу шаҳар фатҳини Мусога ҳадя қилди. Шаҳарнинг нотавон кишилари Бага шаҳрига қочиб қолишли. У ерда бир талай яхудийлар ҳам бор эди. Мусо уларни ўртага йиғиб, уларга бир неча кишини бошлиқ қилди [40].

Сўнгра Мусо шимолга қараб юрди, маълумингизки Ториқ шимоли-ғарбга юрган эди. Мусо Андалус фатҳини том қилишни қасд қилган эди. У Мерида шаҳрига йўл олди[ξ۷]. Мерида шаҳри тарихий шаҳар бўлиб, милоддан олдин ۲۰-санада румликлар томонидан бунёд қилинган[ξ۸] ва Андалуснинг пойдевори бўлган шаҳарлардан бири эди. Шунингдек, аввалги подшоҳларнинг баъзилари бу шаҳарни ўзларига макон тутган ҳамда тарихий ёдгорликлар, қасрлар, фабрикалар ва ҳашаматли канисалари бўлган шаҳар эди[ξ۹]. Шаҳар қўрғонини тарих-шунослар

таъбири билан айтганда: «Девор-лардан иборат бўлиб, унга ўхشاши қурил-маган»[⁴⁹] эди. Шаҳарнинг ҳамма томони шу девор билан ўралган бўлиб, бир нечта миноралари бор эди. Деворнинг эни, ўша пайтлар ۱۲ зироъ (яъни ۷,۰ м), баландлиги ۱۸ зироъ (яъни ۹,۷۵ м) эди[۵۰]. Готлар мағлубиятга учрагандан сўнг, турли миңтақалардан бу шаҳарга тўпланган ва анча-гина қувватга эга бўлган ҳамда ҳимоя ва эҳтиёт чораларини кўриб қўйишган эди[۵۱].

Мусо ибн Нусайр Мерида шахрини қамал қилди. Готлар жон-жаҳдлари

билин қаршилик қилишди, улар мустахкам девор ортидан бир мил ёки ундан ҳам узокроқ масофадан мусулмонларни қарши олиб, шиддатли жанг қилишди<sup>[۱۲]</sup>. Шаҳар қамали ва икки тараф орасидаги жанг бир неча ой, яъни ۷۱۳ йил ۳ · июн (хижрий ۹۴ йил рамазон) ойигача давом этди, сўнгра Мусо билан Гот ҳарбийлари орасида сулҳ мулоқоти бошланди<sup>[۱۳]</sup>. Готлар таслим бўламиз ва жизя берамиз, дея таклиф қилдилар. Мусо таклифни қабул қилиб, шаҳар халқига ҳақиқий омонлик берди<sup>[۱۴]</sup>. Шу йилнинг рамазон ҳайити (ијдул-фитр) куни шаҳар дарвозалари очиб

берилди<sup>[۱۰]</sup>. Мусулмонларга бу кун қўшалоқ байрам бўлган эди.

Мусулмонлар бултурги рамазон ҳайитини Барбате водийси ғалабаси билан қаршилаган бўлсалар, бу санани Андалус пойдеворларидан бири бўлган мустаҳкам қўр-ғонли шаҳар фатҳи билан кутиб олдилар, субҳоналлоҳ! Қамалнинг қанча муддат давом этганлиги тарих китобларида аниқ зикр қилинмаган, лекин тарихчи ал-Ҳажжий: Мерида шаҳри ۷ ой атрофида қамал қилинган бўлиши керак, дейди<sup>[۱۱]</sup>.

## Абдулазиз ибн Мусонинг юришлари

Мусо ибн Нусайр Мерида шаҳрини  
қамал қилиб турган онда ўғли  
Абдулазизни бир гуруҳ аскар билан  
Ишбилия сари сафарбар қилди.  
Бунинг сабаби, Мусога Нъебла ва  
Бага шаҳар-ларида жон сақлаб  
қолган Гот аскарлари бир-лашиб,  
Мусонинг Мерида қамали билан  
банд-лигидан фойдаланиб, Ишбилия  
шаҳридаги мусулмон гурухга ҳужум  
қилгани ва у ердаги мусулмонлар  
устидан ғолиб бўлгани хабари  
келган эди [١٧].

Тудмир, Ишбилия ва бошқа  
шаҳарлар фатҳи

Абдулазиз ибн Мусо Ишбилиядан олдин Тудмир минтақасини ишғол қилди. Тудмир минтақаси номи унинг ҳокими Теодомиро Эргобадо шарафига қўйилган эди[[• 8](#)].

Дастлаб бу минтақа ҳокими Тудмир ибн Абдус Абдулазиз ибн Мусога бўйсунмай, уруш эълон қилди. Икки тараф ўртасида Ўртаер денгизи соҳилида Картахена деган жойда уруш бошланди, бу уруш мусулмонларнинг фойдасига ҳал бўлиб, насро-ний ҳоким Тудмир айни минтақадаги Ориуэла шахрига қочиб қолди[[• 9](#)]. Ва охир оқибат Тудмир минтақаси ۷۱۳ йил апрел (ҳижрий ۹۴ йил ражаб) ойида сулҳ

йўли билан фатҳ қилинди. Сўнгра Абдуазиз ибн Мусо Ишбилияни янгидан фатҳ қилди, сўнгра Бага ва Нъебла шаҳарларини фатҳ қилди<sup>[۶۰]</sup>. Бундан кейин у Андалуснинг ғарбига, яъни ҳозирги кундаги Португалия сари равона бўлди<sup>[۶۱]</sup>. У Лиссабон шаҳрига етиб келиб, уни ҳам фатҳ қилди. Абдуазиз ибн Мусо саноқли муддатда Иберия яриморолининг ғарбини тўлиқ ўз ҳукмига бўйсундирди. Шунга кўра, Португалиянинг фотихи Абдулазиз ибн Мусо ибн Нусайр ҳисобланади<sup>[۶۲]</sup>.

Мусо ибн Нусайрнинг босиб ўтган  
йўли (ҳижрий ۹۳–۹۴ йил  
рамазондан зулқаъдагача): Сеутадан  
Жабал Ториқ бўғозини кесиб ўтиб,  
Жазитарул Хазрога, ундан Сидония,  
Кармона, Ишбилия, Леванта,  
Меридани фатҳ қилиб, (Мерида  
қамали асносида) шу ердан ўғли  
Абдуазизни Нъебла, Бага, Ишбилия,  
Альпера, Малага, Картахена,  
Ориуэла ва бошқа жойларга  
жўнатди, у мазкур жойларни ва  
Иберия ярим-оролининг ғарбини  
фатҳ қилди. Сўнгра Мусо  
Талавера[۶۳]га, ундан кейин  
Толедога келди.

## Икки қаҳрамон — Мусо ва Ториқнинг учрашуви

Мусо ибн Нусайр ۷۱۳ йил август  
(хижрий ۹۴ йил зулқаъда) ойининг  
бошларида Толедо шаҳрига қараб  
йўлга чикди. У эҳтиёт шарти<sup>۱۴</sup>  
Ториқка мактуб йўллади, унга кўра  
Ториқ бир гурӯҳ аскари билан  
Мусони кутиб олишга чиқиши керак  
эди. Мусо Талавера шаҳри яқинида  
ал-Маъраз деб аталган водийга  
келиб, шу кенг водийга лагер қурди.  
Ториқ ибн Зиёд билан ўша ерда  
учрашди<sup>۱۴</sup>. Талавера шаҳри  
Толедо шаҳридан ۱۰ · км ғарбда  
жойлашган. Улар учрашгандан сўнг,

Мерида-Саламанка йўлидан тўғри Толедога йўл олишди [٦٥].

Бу ўринда баъзи тарихчилар Мусо ибн Нусайр Ториққа нисбатан қўпол муомалада бўлиб, уни қаттиқ койиганини, ҳатто қамчи билан ургани-ю, қамаб қўйиб ўлдиришга ҳаракат қилгани [٦٦] каби мантиққа тўғри келмайдиган сўзларни айтишган. Аслини олганда бу воқеа содир бўлмаган, дейди доктор Сиржоний [٦٧].

Биз эса, юқоридаги воқеага бир тарафдан қўшилмасак, бошқа жиҳатдан барча ривоят-ларни тўлиқ инкор ҳам қилмаймиз. Маълумин-

гизки, Мусо Ториққа шошилмасликни ва Қурту-бадан ёки Жайяндан ўтмаслигини маслаҳат беріб, қаттиқ тайинлаган эди. Ториқ эса, Толедо ва ундан нарига ўтиб кетиб, амирига итоат-сизлик қилған эди. Мусо унинг мана шу иши сабабли унга танбек берган, холос, десак шояд муносиб бўлса. **Бу борада тарихчи Ибн Шаббот шундай дейди:** «Ториқ Мусога пешвоз чиқиб, уни кутиб олди. **Мусо уни айблаб:** Нима учун менинг кўрсатмамсиз бунча ичкарига кириб кетдинг, деди»[\[۶۸\]](#). Шунда Ториқ ўша пайтдаги вазиятни, қилиниши лозим деб

билган ишларни қилганини айтиб, узрини баён қилди. Мусо ибн Нусайр унинг узрини қабул қилди<sup>[۷۹]</sup>.

Агар Мусонинг Андалусга келишига сабаб Ториқقا нисбатан қалбида туйган ҳасади бўлганда эди, биринчидан, Мусо Бартбате водийсидаги беназир ғалабани эшитган заҳоти йўлга отланган бўларди, лекин унинг мақсади Ислом динини тарқатиш ҳамда Ториқни дастаклаш бўлгани учун, бир йил мобайнида қўшин ҳозирлади. Иккинчидан, Мусо Андалусга ўтибоқ тўғри Ториқнинг ёнига борган бўларди, лекин

воқеликда эса, у Ториқ фатҳ қилган жойлардаги исёнчиларни бостириб, Ториқ қадам босмаган ерларни фатҳ қилди<sup>[۷۰]</sup> ва Андалусга келганига бир йилдан ошгандан кейингина Ториқ билан кўришди. Ториқ ҳам бу орада унинг буйруғига биноан Толедо шаҳрида уни кутиб турди. Учинчидан, улар роппа-роса икки йил, яъни ۷۱۱ йилнинг июл ойидан, ۷۱۳ йилнинг августи<sup>[۷۱]</sup> гача кўришмаган эдилар. Бунча айрилиқдан сўнг, яна дийдор кўришиш насиб қилган икки мусулмон биродар орасидаги қайноқ туйғуларни таърифлашнинг ҳожати бўлмаса керак!

Мусо ва Торик ۷۱۳ йил (хижрий ۹۴  
йил зулқаъда-зулҳижжа ойлари)  
кузда Толедога етиб келишди. Улар  
куз ва қиши фаслларида сафларни  
тартиблаб, ҳарбий режани чиздилар.  
Бироз ҳордик чиқариб, келажак  
фатҳлар учун куч йиғдилар. Бу  
орада Мусо ибн Нусайр ўша  
пайтдаги халифа Валидга вазиятни  
баён қилиб мактуб йўллади. Баҳор  
fasлида мусулмон аскар  
Андалуснинг шимолига қараб  
юришни бошлади.

Бу ҳақда келажак дарсларда баён  
қиласиз, иншаоллоҳ...

Валлоҳу таъала аъламу...

[၁] Севилья.

[၂] Бухорий (၃၁၇၇).

[၃] Ал-Хажжий "Тарихул андалус"  
(၆၃-бет).

[၄] Медина-Сидония.

[၅] Морон-де-ла-Фронтера.

[၆] Ал-Хажжий "Тарихул андалус"  
(၆၃-бет) Ибн Шабботдан нақл  
қилган.

[၇] Ал-Хажжий "Тарихул андалус"  
(၆၃-бет).

[[8](#)] "Ахбару мажмуъа" (۱۹-бет), Ибн Изарий "Ал-баян ал-муғриб" (۲/۸), Ал-Мақаррий "Нафҳут-тийб" (۱/۲۶۰).

[[۹](#)] "Ахбару мажмуъа" (۱۹-бет), Ал-Мақаррий "Нафҳут-тийб" (۱/۲۶۰, ۲۶۱), Ҳусайн Муънис "Фажрул Андалус" (۷۲-бет), Суҳайл Тоқуш "Тарихул муслимийн фил андалус" (۴۱-бет).

[[۱۰](#)] Рус. Кардoba.

[[۱۱](#)] Ал-Мақаррий "Нафҳут-тийб" (۱/۲۶۰-۲۶۱, ۲۶۳-۲۶۴, ۳/۱۲).

[[۱۲](#)] Ал-Мақаррий "Нафҳут-тийб" (۱/۲۶۱).

[۱۳] Ал-Мақаррий "Нафхут-тийб"  
(۳/۱۲).

[۱۴] Ал-Мақаррий "Нафхут-тийб"  
(۱/۲۶۰-۲۶۱), Ибнүл Хотиб "Ал-  
иҳатоту фи ахбари ғорнато" (۱/۱۰۱).

[۱۵] Абдуллоҳ Анан "Давлатул  
ислам фил Андалус" (۱/۰۰).

[۱۶] Ал-Ҳажжий "Тарихул андалус"  
(۷۰-бет).

[۱۷] Рус. Хаэн.

[۱۸] Ал-Ҳажжий "Тарихул андалус"  
(۷۰-бет).

[۱۹] Ибн Касир "Ал-бидаяту ван-  
нихоя" (۹/۹۹), Ибн Холдун "Тариху

Ибн Холдун" (4/117), Ал-Мақаррий "Нафхут-тийб" (1/223).

[۲۰] "Ахбару мажмуъа" (۲۳, ۲۴-бет), Ал-Мақаррий "Нафхут-тийб" (۱/۲۶۴–۲۶۵).

[۲۱] Абдуллоҳ Анан "Давлатул ислам фил Андалус" (۱/۵۱).

[۲۲] Ал-Мақаррий "Нафхут-тийб" (۱/۲۶۴–۲۶۵), Ҳимярий "Ровзул миътар" (۱۷۹-бет).

[۲۳] Ҳимярий "Ровзул миътар" (۱۷۹-бет).

[۲۴] Ал-Ҳажжий "Тарихул андалус" (۶۶-бет).

[۲۵] "Ахбару мажмуъа" (۲۴-бет), Ал-Мақаррий "Нафхут-тийб" (۱/۲۶۹).

[۲۶] Ҳусайн Муънис "Фажрул Андалус" (۷۹-бет).

[۲۷] Сиржоний "Қиссатул-андалус" (۷۰-бет).

[۲۸] Ал-Хажжий "Тарихул андалус" (۶۸-бет) Ибн Кардабусдан нақл қилган. Ибн Холдун "Ал-иъбар" (۴/۲۵۴).

[۲۹] "Ал-имамах вас-сиясаҳ" (фи тарихи ифтитаҳи андалус) (۱۴۰-бет), Ҳусайн Муънис "Фажрул Андалус" (۸۹-бет), Сұхайл Тоқуш

"Тарихул муслимийн фил андалус"  
(۹۲-бет).

[۳۰] Ал-Хажжий "Тарихул андалус"  
(۷۸-бет).

[۳۱] "Ахбару мажмуъа" (۲۴-бет).

[۳۲] Ал-Мақаррий "Нафхут-тийб"  
(۱/۲۷۷).

[۳۳] Ал-Мақаррий "Нафхут-тийب"  
(۱/۲۶۹), Ибн Изарий "Ал-баян ал-  
муғриб" (۲/۱۲), Ал-Хажжий  
"Тарихул андалус" (۷۹-бет) Ибн  
Шабботдан накл қилган.

[۳۴] Химярий "Ровзул миътар" (۷۰-  
бет) Ал-Мақаррий "Нафхут-тийб"  
(۱/۲۸۷).

[٣٥] Ал-Мақаррий "Нафхут-тийб" (۱/۲۷۱), Ибн Холдун "Ал-иъбар" (۴/۲۵۴).

[٣٦] "Истийъаб" (۴/۱۴۸۵) (۲۰۷۱-рақам), Ибнул Абар "Ат-Такмилату ликитаби ас-сила" (۲/۷۳۱) (۱۸۴۷-рақам), Ал-Мақаррий "Нафхут-тийб" (۱/۲۷۷-۲۷۸) (۳/ ۵-۶-е т).

[٣٧] Ибнул Фарозий "Тариху уламаил-андалус" (۱/۱۲۲, ۱۲۰, ۲۱۲, ۳۱۰) (۳۸۳, ۳۹۱, ۶۳۳, ۹۱۰-рақам), Ибнул Абар "Ат-Такмилату ликитаби ас-сила" (۱/۲۸۲) (۷۰۵-рақам), Ал-Мақаррий "Нафхут-тийб" (۱/۲۷۸-۲۷۹, ۲۸۷-۲۸۸,) (۳/ ۶-۱۲).

[٣٨] Ал-Мақаррий "Нафхут-тийб"  
(١/٢٧٧)، Ал-Хажжий "Тарихул  
андалус" (٧١-бет) Ибн Шабботдан  
нақл қилған.

[٣٩] Ибнүл Қутийя "Тариху  
ифтихаул-андалус" (٣٥-бет). "مرساة"  
кема тұхтайдиган ва уни боғлаб  
қўядиган жой маъносини  
билдиради. "Ан-наъим" ро ҳарфи  
боби, (٣٠٧-бет).

[٤٠] Мұхаммад ибн Абдулваҳҳоб  
Ғассоний "Риҳлатул вазир фи  
ифтиқакил асир" (١١١-бет), Ҳусайн  
Муънис "Тарихул жўғрофийя вал  
жўғрофийийн фил-андалус" (٢٨-  
бет), Ал-Хажжий "Тарихул андалус"

(٧٣-بَيْت)، خُسَيْن مُعْنِيس "فَاجْرُولْ أَنْدَالُوسْ" (٩١-بَيْت).

[٤١] خِيمَارِيَّ "رَوْزُولْ مِيْتَار" (٧٥-بَيْت)، أَلْ-خَاجِجِيَّ "تَارِخُولْ أَنْدَالُوسْ" (٧٣-بَيْت). "رَابِّات" بَيْرُوكَلَار دَهَان سُوْزَغَا نِسْبَاتَلَانْغَان.

[٤٢] أَلْ-خَاجِجِيَّ "تَارِخُولْ أَنْدَالُوسْ" (٧٣-بَيْت).

[٤٣] إِبْنِ إِذَارِيَّ "أَلْ-بَاهَيْنَ الْمُغْرِبِيَّ" (٢/١٣)، أَلْ-مَاقَارِيَّ "نَافْحَتُ-تَيْبَ" (١/٢٦٩).

[٤٤] إِبْنِ إِذَارِيَّ "أَلْ-بَاهَيْنَ الْمُغْرِبِيَّ" (٢/١٣)، أَلْ-مَاقَارِيَّ إِبْنُ حَائِيْوَنْدَان نَاقَلْ كِيلْغَان "نَافْحَتُ-

тийб" (1/۲۶۹), "Ахбару мажмуъа"  
(۱۰, ۱۶-бет).

[۴۰]Ибн Изарий "Ал-баян ал-  
муғриб" (۲/۱۴), Ал-Мақаррий Ибн  
Ҳайон ва бошқалардан нақл қилган  
"Нафҳут-тийб" (۱/۲۶۹).

[۴۱]Ал-Мақаррий "Нафҳут-тийб"  
(۱/۲۶۹–۲۷۰), Ҳусайн Муънис  
"Фажрул Андалус" (۹۲-бет),  
"Ахбару мажмуъа" (۲۶-бет).

[۴۲]"Ал-хулал ас-сундусия" (۱/۸۹,  
۱۷۲), "Тарихул муслимин ва  
асариҳим фил-андалус" (۹۰-бет).

[٤٨] Ал-Мақаррий "Нафхут-тийб" (۱/۲۷۰), (۱/۱۳۸, ۱۳۹), Ҳимярий "Ровзул миътар" (۱, ۱۷۰—۱۷۶-бет).

[٤٩] "Сифатул андалус" (۱۸۲-бет), Ҳимярий "Ровзул миътар" (۱۷۶-бет), Ал-Хажжий "Тарихул андалус" (۷۶-бет) Ибн Шабботдан нақл қилган.

[۵۰] Ал-Хажжий "Жүғрофийятул андалус ва уврубба" (۱۱۹-бет) китобидан нақл қилган, "Тарихул андалус" (۷۶-бет).

[۵۱] Ал-Мақаррий Ибн Ҳаййондан нақл қилган "Нафхут-тийб" (۱/۲۷۰).

[۵۲] "Ахбару мажмуъа" (۱۷-бет).

[**٥٣**]Ибн Изарий "Ал-баян ал-муғриб" (٢/١٥).

[**٥٤**]Ал-Мақаррий Ибн Ҳаййондан нақл қилған "Нафхут-тийб" (١/٢٧٠).

[**٥٥**] "Ахбару мажмуъа" (١٦-бет), Ал-Мақаррий "Нафхут-тийб" (١/٢٧٠), Ибн Изарий "Ал-баян ал-муғриб" (٢/١٥), Ҳусайн Муънис "Фажрул Андалус" (٩٣, ٤٤٢-бет).

[**٥٦**]Ал-Ҳажжий "Тарихул андалус" (٧٨-бет).

[**٥٧**] "Ахбару мажмуъа" (١٨-бет), Ибн Изарий "Ал-баян ал-муғриб" (٢/١٥).

[**٥٨**]Ал-Ҳажжий Ҳимярийдан нақл қилған "Тарихул андалус" (٧٨-бет).

[۱۹] Ал-Хажжий Ҳимярийдан накл  
қилган "Тарихул андалус" (۸۰-бет).

[۲۰] Ал-Хажжий "Тарихул андалус"  
(۸۲-бет).

[۲۱] "Тарихул муслимин ва асариҳим  
фил-андалус" (۱۰۹-бет).

[۲۲] Сиржоний "Қиссатул андалус"  
(۷۱-бет).

[۲۳] Талавера де ла Рейна.

[۲۴] Ибн Изарий "Ал-баян ал-  
муғриб" (۲/۱۶), Ал-Мақаррий  
"Нафхут-тийб" (۱/۲۷۱), "Ахбару  
мажмуъа" (۱۸-бет).

[٦٥] Ал-Хажжий "Тарихул андалус"  
(۸۴-бет).

[٦٦] "Ахбару мажмуъа" (۲۶, ۲۷-бет),  
Ибн Изарий "Ал-баян ал-муғриб"  
(۲/۱۷), Ал-Мақаррий "Нафҳут-тийб"  
(۱/۲۷۱).

[٦٧] Ал-Хажжий "Тарихул андалус"  
(۸۷-бет), Сиржоний "Қиссатул-  
Андалус" (۷۱-бет).

[٦٨] Ал-Хажжий "Тарихул андалус"  
(۹۰-бет) Ибн Шабботдан нақл  
қилган.

[٦٩] Ал-Хажжий "Тарихул андалус"  
(۹۰-бет).

[۷۰] Ал-Хажжий "Тарихул андалус"  
(۸۷-бет) Ибн Шабботдан нақл  
қилган.

[۷۱] Хижрий ۹۲-йилниң рамазон  
ойидан ۹۴-йилниң зулқаъдасигача.